

---

**Saksnr:** 2020/36933-7  
**Saksbehandlar** Katharine Louise Clarke  
**r**  
**Dato:** 04.06.2020

---

---

**Til:** Vestlandsrådet

---

**Frå:** Fylkesrådmannen


---

## Fakta om Conference of Peripheral and Maritime Regions - CPMR

Conference of Peripheral and Maritime Regions (CPMR) er ein europeisk interesse- og lobbyorganisasjon som inkluderer 150 kystperifere regionar frå 24 europeiske land. Organisasjonen vart etablert i 1973, og representerer i dag om lag 200 millionar innbyggjarar. Føremålet med organisasjonen er å få regionane i Europa til å samarbeide for å sikre at EU-institusjonar og nasjonale regjeringar tar omsyn til og lyttar til regionane sine interesser og synspunkt. Organisasjonen skildrar seg sjølv som ein tenketank og lobbyorganisasjon, og arbeider med konkrete politikkområde og politiske saker. CPMR følgjer særleg opp regional-, transport- og maritimpolitikken til EU, men energi og miljø, naboskap, migrasjon og utvikling er også viktige satsingsområde.

Det overordna avgjerdsorganet er Generalforsamlinga, som finn stad kvart år i oktober i ein av medlemsregionane. Presidenten, Vasco Alves Cordeiro, President av Azorene, leiar organisasjonen. Ein av visepresidentane, Gunn Marit Helgesen (Telemark og Vestfold, KS), er økonomiansvarleg (Treasurer). I tillegg er det til ei kvar tid to eller tre visepresidentar med fagansvar.

CPMR er ein paraplyorganisasjon med seks geografiske kommisjonar. Ein av desse er Nordsjøkommisjonen (NSC). Alle dei tre vestlandsfylka er medlem i CPMR og NSC.



CPMR arbeider på fleire måtar, til dømes:

- skriv politiske posisjonsdokument retta mot EU-institusjonar og nasjonale myndigheiter på relevante tema for å fremme og ivareta interessene til medlemmane
- etablerer ad hoc arbeidsgrupper på spesifikke tema der medlemmar kan ta ein aktiv eller leiande rolle
- organiserer tematiske møter for medlemmar i Brussel
- har sekretariatsansvar for ei EU-parlamentarisk arbeidsgruppe - The Seas, Rivers, Islands and Coastal Areas Intergroup
- deltek i prosjekt i regi av EU-programma, som Erasmus+, Interreg og Horizont 2020, og har eigne prosjekt på relevante tema, til dømes kompetanse, blå vekst m.m.
- fasiliterer eit tett samarbeid mellom dei seks geografiske kommisjonane
- fremmar eit manifest eller ei erklæring kvart år som samlar dei viktigaste punkta og temaa frå året som har gått og som Generalforsamlinga diskuterer og godkjenner